

զնաւան ալայի Հ կտոր զշայխան և զղալիօնս, որք իբրև ելին ի Պօղազէ Ը աւուրբ, ֆռանկ նաւքն իմացեալ զգալուստ սոցա և ոչ երևեցոյց զինքեանս, մինչեւ ելին ի ծով: Եւ յեղակարծ ժամու հասեալ ի վերայ նաւուցն Տաճկաց, եւ միանգամայն նոցա տայր արկութիւն, որ ոմանք զինքեանց նաւս հուր արկեալ այրէին, և արքն որ ի միջի՝ ընդ նաւուցն տոչորէին և զայրիւն լաւ համարէին քան զգերիւն: Անդ էր եւ տեսիլ իմն սոսկալի, զի միոյն գերիլ եւ միւսոյն այրիլ ի նաւս, միոյն հեղձնուլ ի ծով և այլոցն արկեալ զիւրեանս ի սանտալ եւ ապա զերծուին, ընդ ծով եւ ընդ ցամաք մերկ եւ բոկ ի լերինս մոլորէին: Եւ ողջոյն իսկ զալիօնս (պարսոյ) առեալ Փռանկք տանէին ամենայն արամքք եւ կարասիւ նոցա եւ շայխայս (պարսոյ) վարէին ընդ իւրեանս: Եւ ապա մնացելոցն յոյժ տանջանօք ճապաղեալ առ զերեսօքն ծովու ըստ վերոյ յիշեցելումն, եւ ի նաւս հուր ձգեալ գործարանօք այրէին. եւ այս խապէր յետ ժե՛ աւուր եկեալ: Իսկ ի միջոցս Իջ Սեպտեմբերի արքայն ելեալ անդրէն ի Տաւութ փաշայէ մտանէր ի քաղաքս, զի Զչի էր որ ի նամազ ելանէր, և եկեալ հասեալ ի թաղս Վլանկայ կոչեցելոյ, և տեսեալ զերկուս հայս նաճարս զի գնան, և նոցա ոչ իմացեալ՝ թէ ո՛վ ոք իցէ, և կալեալ զմինն և տեսեալ տգեղ կերպարանօք էին և հին հանդերձիւ և եթող զայն և զմիւսն ետես որ նոյն ձևով էր, բայց ետես զմէսան ոտից որ դեղին էր և խիստ հին, սակայն ի ցամառնէ սրտին ետ ըմբռնել խասէքոց և հրամայեաց ճէլլատին որ երթայր զինի՝ բառնալ ի կենաց եւ զմէստ ոտիցն արկանել ի վերայ նորա, որ եւ արարին իսկ, զոր կալեալ դահճին հարկանէր սրով եւ ոչ հատանէր, եւ ի վայր ձգեալ զենէր¹⁾ հատեալ ըզ-

1) զէնէր.